

28 JUN 1998

PERHIMPUNAN RAKYAT BERSAMA PERDANA MENTERI

ALOR SETAR, 28 Jun (Bernama) -- Satu majlis Perhimpunan Rakyat Bersama Perdana Menteri akan diadakan di Dewan Sri Negeri, Wisma Darul Aman di sini, Khamis ini.

Menurut Pengurus Media dan Komunikasi Menteri Besar Kedah, Aziz Desa perhimpunan itu bermula pukul 3.30 petang sempena lawatan kerja sehari Perdana Menteri Datuk Seri Dr Mahathir Mohamad ke negeri ini.

Katanya, sebelum perhimpunan itu diadakan, Dr Mahathir akan mengadakan perjumpaan tertutup dengan Ketua-ketua Bahagian, Pemuda dan Wanita Umno di Bilik Gerakan, Wisma Darul Aman.

Pada sebelah pagi, beliau yang diiringi isterinya, Datin Seri Dr Siti Hasmah Mohd Ali akan melawat taman industri berteknologi tinggi di Kulim Hi-Tech dan seterusnya merasmikan kilang AIC Semiconductor Sdn Bhd, di situ.

-- BERNAMA

MN AKD